



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՐԴ

ք. Երևան

14.11.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-72/16

ՀՀ գնումների բողոքարկման խորհրդի (այսուհետ նաև՝ Խորհուրդ) բողոքը քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 11.08.2016թ. թիվ 1/73-1/20137-16 գրությամբ ներկայացված «Օրին 7» ՍՊԸ-ին (ՀՎՀՀ՝ 00147538) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-72/16 բողոք), 04.05.2016թ. թիվ 1/73-3/13520-16 գրությունը և կից ներկայացված փաստաթղթերի պատճենները, Ընկերության 24.05.2016թ. թիվ 03/05-16 գրությունը, ՀՀ ԿԱ ՊԵԿ-ի 29.07.2016թ. թիվ 6-1/22810-16 գրությունը, ինչպես նաև ուսումնասիրելով ՍՑ-ԳԲԽ-72/16 բողոքի վերաբերյալ «Գնումների աջակցման կենտրոն» ՊՈԱԿ-ի 10.11.2016թ. ներկայացրած եզրակացությունը պարզեց.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը (այսուհետ նաև՝ Նախարարություն), Երևանի քաղաքապետարանի 27.04.2016թ. թիվ 01/61-7766 գրության հիման վրա, 04.05.2016թ. թիվ 1/73-3/13520-16 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «Օրին 7» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների

ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

Կենտրոնը 08.08.2016թ. թիվ 01/04.1/2990-16 գրությամբ ՀՀ ֆինանսների նախարարության 04.05.2016թ. թիվ 1/73-3/13520-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է «Օրիոն 7» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Սակայն, ՀՀ ֆինանսների նախարարությունը 11.08.2016թ. թիվ 1/73-1/20137-16 գրությամբ հիմք ընդունելով ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգի 124-րդ կետի 2-րդ ենթակետը, պահանջել է նախաձեռնել գնումների գործընթացին մասնակցելու իրավունք չունեցող մասնակիցների ցուցակում «Օրիոն 7» ՍՊԸ-ին ներառելու ընթացակարգ:

2. «Օրիոն 7» ՍՊԸ-ի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 06.05.2016թ. թիվ 01/04.1/1781-16 գրությամբ դիմել է «Օրիոն 7» ՍՊԸ-ին:

Ընկերությունը 24.05.2016թ. թիվ 03/05-16 գրությամբ Կենտրոնին հայտնել է, որ **2016թ. ապրիլի 18-ի դրությամբ (հայրը ներկայացնելու օրվա դրությամբ)** «Ակբա-Կրեդիտ Ագրիկոլ բանկ» ՓԲԸ-ի միջոցով վճարել է իր ունեցած հարկային պարտավորությունը և ներկայացրել է գնման գործընթացին մասնակցելու հայտ՝ համոզված լինելով, որ այլևս չունի որևէ պարտավորություն:

Ընկերությունը հայտնել է նաև, որ չի տրամադրել կեղծ տվյալներ, միաժամանակ Կենտրոնին ներկայացնելով գումարի վճարումը 18.04.2016թ. «Ակբա-Կրեդիտ Ագրիկոլ բանկ» ՓԲԸ-ի «Արաբկիր» մասնաճյուղում կատարված լինելու վերաբերյալ N 250 վճարման հանձնարարագրի պատճենը:

3. Երևանի քաղաքապետարանի ներկայացրած փաստարկները և դիրքորոշումը

Պատվիրատուն 27.04.2016թ. թիվ 01/61-7766 գրությամբ ՀՀ ֆինանսների նախարարությանը հայտնել է, որ տեխնիկական հսկողության ծառայությունների ձեռքբերման նպատակով կազմակերպված «ԵԲ-ԲԸԾԶԲ-16/110» ծածկագրով բաց

ընթացակարգով (այսուհետ՝ Ընթացակարգ) որպես 1-ին տեղ զբաղեցրած մասնակից է ճանաչվել «Օրիոն 7» ՍՊԸ-ն:

Երևանի քաղաքապետարանը ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) կարգի 47-րդ կետի 1-ին ենթակետի համաձայն, տվյալների ճշտման մասին կատարած հարցմամբ խնդրել է Նախարարությանը տրամադրել տեղեկատվություն «Օրիոն 7» ՍՊԸ-ի վերաբերյալ, որին ի պատասխան ՀՀ ֆինանսների նախարարության կողմից տրամադրվել է եզրակացություն, համաձայն որի՝ Ընկերությունը հայտը ներկայացնելու օրվա դրությամբ ունեցել է ժամկետանց հարկային պարտավորություն՝ 10201 ՀՀ դրամի չափով:

4. ՍՑ-ԳԲԽ-72/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 10.11.2016թ. եզրակացությունը և առաջարկել է ՀՀ ֆինանսների նախարարության 11.08.2016թ. թիվ 1/73-1/20137-16 գրությամբ ներկայացված «Օրիոն 7» ՍՊԸ-ին (ՀՎՀՀ՝ 00147538) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

5. ՍՑ-ԳԲԽ-72/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 11.08.2016թ. թիվ 1/73-1/20137-16 գրությամբ ներկայացված «Օրիոն 7» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. Երևանի քաղաքապետարանի կողմից տեխնիկական հսկողության ծառայությունների ձեռքբերման նպատակով կազմակերպվել է «ԵԲ-ԲԸԾՁԲ-16/110» ծածկագրով բաց ընթացակարգ, որին մասնակցելու նպատակով հայտ է ներկայացրել «Օրիոն 7» ՍՊԸ-ն:

2. Ընկերությունը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ (18.04.2016թ.) չունի ժամկետանց հարկային պարտավորություններ Հայաստանի Հանրապետության հարկային և պարտադիր սոցիալական ապահովության վճարների գծով:

3. Պատվիրատուն, ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) կարգի 47-րդ կետի 1-ին ենթակետի համաձայն, տվյալների ճշտման մասին կատարած հարցմամբ խնդրել է Նախարարությանը տրամադրել տեղեկատվություն «Օրին 7» ՍՊԸ-ի վերաբերյալ:

4. Ի պատասխան վերոհիշյալ հարցմանը՝ ՀՀ ֆինանսների նախարարության կողմից Պատվիրատուին տրամադրվել է եզրակացություն, համաձայն որի «Օրին 7» ՍՊԸ-ն 2016թ. ապրիլի 18-ի դրությամբ (հայտը ներկայացնելու օրվա դրությամբ) ունեցել է ժամկետանց հարկային պարտավորություն՝ 10201 ՀՀ դրամի չափով:

5. Ընթացակարգի գնահատող հանձնաժողովը 26.02.2016թ. ժամը 11:00-ին տեղի ունեցած նիստի N 2 արձանագրությամբ որոշում է կայացրել մերժել «Օրին 7» ՍՊԸ-ի հայտը:

6. Ընկերությունը 24.05.2016թ. թիվ 03/05-16 գրությամբ Կենտրոնին հայտնել է, որ **2016թ. ապրիլի 18-ի դրությամբ (հայտը ներկայացնելու օրվա դրությամբ)** «Ակբա-Կրեդիտ Ագրիկոլ բանկ» ՓԲԸ-ի միջոցով վճարել է իր ունեցած հարկային պարտավորությունը և ներկայացրել է գնման գործընթացին մասնակցելու հայտ՝ համոզված լինելով, որ այլևս չունի որևէ պարտավորություն:

Ընկերությունը հայտնել է նաև, որ չի տրամադրել կեղծ տվյալներ, միաժամանակ Կենտրոնին ներկայացնելով գումարի վճարումը 18.04.2016թ. «Ակբա-Կրեդիտ Ագրիկոլ բանկ» ՓԲԸ-ի «Արաբկիր» մասնաճյուղում կատարված լինելու վերաբերյալ N 250 վճարման հանձնարարագրի պատճենը:

7. Կենտրոնը 08.08.2016թ. թիվ 01/04.1/2990-16 գրությամբ ՀՀ ֆինանսների նախարարության 04.05.2016թ. թիվ 1/73-3/13520-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է «Օրին 7» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերի բացակայությունը:

8. Ի պատասխան Կենտրոնի 08.08.2016թ. թիվ 01/04.1/2990-16 գրության՝ ՀՀ ֆինանսների նախարարությունը, Կարգի 124-րդ կետի 2-րդ ենթակետի համաձայն, 11.08.2016թ. թիվ 1/73-1/20137-16 գրությամբ պահանջել է «Օրին 7» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կազմակերպել բողոքարկման գործընթաց:

6. Խորհրդի հիմնավորումները և եզրահանգումը

Քննելով ՍՅ-ԳԲԽ-72/16 բողոքը, Խորհուրդը գտնում է, որ այն ենթակա է մերժման հետևյալ հիմնավորմամբ.

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում **ներկայացրել է կեղծ տվյալ:**

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

Կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է՝ իր կողմից հաստատված հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի

57-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ եթե կարգի 47-րդ կետի 1-ին ենթակետով նախատեսված հարցմանն ի պատասխան տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

Կարգի 124-րդ կետի համաձայն՝ Հայաստանի Հանրապետության ֆինանսների նախարարությունը քննարկում է կենտրոնի կողմից ներկայացված գնումների գործընթացին մասնակցելու իրավունք չունեցող մասնակիցների ցուցակում տվյալ մասնակցին ներառելու հիմքերի բացակայության վերաբերյալ տրամադրված եզրակացությունը, համաձայնության դեպքում՝

1) դադարեցնում է գնումների գործընթացին մասնակցելու իրավունք չունեցող մասնակիցների ցուցակում տվյալ մասնակցին ներառելու նպատակով նախաձեռնած գործընթացը և տեղեկացնում դիմող պատվիրատուին.

2) հակառակ դեպքում կենտրոն է ներկայացնում Հայաստանի Հանրապետության ֆինանսների նախարարության առարկությունները և պահանջում նախաձեռնել գնումների գործընթացին մասնակցելու իրավունք չունեցող մասնակիցների ցուցակում տվյալ մասնակցին ներառելու ընթացակարգը:

Այսպիսով, Երևանի քաղաքապետարանի կողմից տեխնիկական հսկողության ծառայությունների ձեռքբերման նպատակով կազմակերպված «ԵՔ-ԲԸԾՁԲ-16/110» ծածկագրով բաց ընթացակարգին մասնակցելու նպատակով «Օրիոն 7» ՍՊԸ-ն ներկայացրած հայտի N 2 հավելվածով հայտնել և հավաստել է, որ հայտը ներկայացնելու օրվա դրությամբ (18.04.2016թ.) չունի ժամկետանց հարկային պարտավորություններ Հայաստանի Հանրապետության հարկային և պարտադիր սոցիալական ապահովության վճարների գծով:

Պատվիրատուի Կարգի 47-րդ կետի 1-ին ենթակետի համաձայն, տվյալների ճշտման մասին կատարած հարցմանն ի պատասխան ՀՀ ֆինանսների նախարարության կողմից տրամադրվել է եզրակացություն, համաձայն որի «Օրին 7» ՍՊԸ-ն 2016թ. ապրիլի 18-ի դրությամբ (հայտը ներկայացնելու օրվա դրությամբ) ունեցել է ժամկետանց հարկային պարտավորություն՝ 10201 ՀՀ դրամի չափով:

Ընթացակարգի գնահատող հանձնաժողովը, հիմք ընդունելով Ընկերության հայտը ներկայացնելու օրվա դրությամբ ՀՀ պետական բյուջեի նկատմամբ ժամկետանց հարկային պարտավորություն ունենալու հանգամանքը, 26.02.2016թ. ժամը 11:00-ին տեղի ունեցած նիստի N 2 արձանագրությամբ որոշում է կայացրել «Օրին 7» ՍՊԸ-ի հայտը մերժել:

Ընկերությունը 24.05.2016թ. թիվ 03/05-16 գրությամբ Կենտրոնին հայտնել է, որ **2016թ. ապրիլի 18-ի դրությամբ (հայտը ներկայացնելու օրվա դրությամբ)** «Ակբա-Կրեդիտ Ագրիկոլ բանկ» ՓԲԸ-ի միջոցով վճարել է իր ունեցած հարկային պարտավորությունը և ներկայացրել է գնման գործընթացին մասնակցելու հայտ՝ համոզված լինելով, որ այլևս չունի որևէ պարտավորություն:

Ընկերությունը հայտնել է նաև, որ չի տրամադրել կեղծ տվյալներ, միաժամանակ Կենտրոնին ներկայացնելով գումարի վճարումը 18.04.2016թ. «Ակբա-Կրեդիտ Ագրիկոլ բանկ» ՓԲԸ-ի «Արաբկիր» մասնաճյուղում կատարված լինելու վերաբերյալ N 250 վճարման հանձնարարագրի պատճենը:

Հաշվի առնելով վերոգրյալը՝ Խորհուրդն արձանագրում է, որ նման պայմաններում հնարավոր չէ հաստատել Ընկերության կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացումը, քանի որ հայտը ներկայացնելու օրը կատարելով հարկային պարտավորության վճարը, «Օրին 7» ՍՊԸ-ն իրավաչափորեն համոզված է եղել, որ հայտը ներկայացնելու օրվա դրությամբ, այն է՝ 2016թ. ապրիլի 18-ին, չի ունեցել **ժամկետանց** պարտքեր Հայաստանի Հանրապետության հարկային վճարների գծով:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 11.08.2016թ. թիվ 1/73-1/20137-16 գրությամբ ներկայացված «Օրին 7» ՍՊԸ-ին (ՀՎՀՀ՝ 00147538) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝



Գևորգ Հայրապետյան

Անդամ՝



Արամ Գրիգորյան